

妙法蓮華經

提婆達多品第十二

爾時仏告諸菩薩。

及天人四衆。吾於過去。

無量劫中。求法華經。

無有懈倦。於多劫中。

常作國王。発願求於。

無上菩提。心不退転。

為欲満足。六波羅蜜。

勤行布施。心無悋惜。

象馬七珍。国城妻子。

奴婢僕従。頭目髓腦。

身肉手足。不惜軀命。

時世人民。壽命無量。

為於法故。

捐捨国位委政太子。

擊鼓宣令。四方求法。

誰能為我說大乘者。

吾當終身。

供給走使時有仙人。

來白王言。我有大乘。

名妙法蓮華經。

若不違我。當為宣說。

王聞仙言。歡喜踊躍。

即隨仙人。供給所須。

採果汲水。拾薪設食。

乃至以身。而作牀座。

身心無倦。于時奉事。

經於千歲。為於法故。

精勤給侍。令無所乏。

爾時世尊。欲重宣此義。

而說偈言

我念過去劫 為求大法故

雖作世国王 不貪五欲樂

椎鐘告四方 誰有大法者

若為我解說 身當為奴僕

時有阿私仙 來白於大王

我有微妙法 世間所希有

若能修行者

吾當為汝說

時王聞仙言 心生大喜悅

即便隨仙人 供給於所須

採薪及果臚 隨時恭敬与

情存妙法故 身心無懈倦

普為諸衆生 勤求於大法

亦不為己身 及以五欲樂

故為大国王 勤求獲此法

遂致得成仏 今故為汝説

仏告諸比丘。爾時王者。

則我身是。時仙人者。

今提婆達多是。

由提婆達多。善知識故。

令我具足。六波羅蜜。

慈悲喜捨。三十二相。

八十種好。紫磨金色。

十力。四無所畏。

四摂法。十八不共。

神通道力。成等正覚。

広度衆生。皆因提婆達多。

善知識故。告諸四衆。

提婆達多。却後過無量劫。

当得成仏。

号曰天王如来応供。

正徧知。明行足。善逝。

世間解。無上士。

調御丈夫。天人師。仏。

世尊。世界名天道。

時天王仏。住世二十中劫。

広為衆生。説於妙法。

恒河沙衆生。

得阿羅漢果。無量衆生。

発縁覚心。恒河沙衆生。

発無上道心。得無生忍。

住不退転。時天王仏。

般涅槃後。正法住世。

二十中劫。全身舍利。

起七宝塔。高六十由旬。

縦広四十由旬。

諸天人。悉以雜華。

抹香焼香塗香。

衣服瓔珞。幢幡宝蓋。

伎楽歌頌。礼拝供養。

七宝妙塔。無量衆生。

得阿羅漢果。無数衆生。

悟辟支仏。

不可思議衆生。発菩提心。

至不退転。仏告諸比丘。

未来世中。

若有善男子善女人。

聞妙法華経。提婆達多品。

浄心信敬。不生疑惑者。

不墮地獄。餓鬼畜生。

生十方仏前。所生之處。

常聞此経。

若生人天中。

受勝妙樂。若在仏前。  
 蓮華化生。於時下方。  
 多宝世尊。所從菩薩。  
 名曰智積。啓多宝仏。  
 当還本土。釈迦牟尼仏。  
 告智積曰。善男子。  
 且待須臾。此有菩薩。  
 名文殊師利。可与相見。  
 論說妙法。可還本土。  
 爾時文殊師利。  
 坐千葉蓮華。大如車輪。  
 俱來菩薩。亦坐宝蓮華。  
 從於大海。娑竭羅竜宮。  
 自然涌出。住虛空中。  
 詣靈鷲山。從蓮華下。  
 至於仏前。頭面敬礼。

二世尊足。修敬已畢。  
 往智積所。共相慰問。  
 却坐一面。智積菩薩。  
 問文殊師利。仁往竜宮。  
 所化衆生。其數幾何。  
 文殊師利言。其數無量。  
 不可稱計。非口所宣。  
 非心所測。且待須臾。  
 自当有証。所言未竟。  
 無數菩薩。坐宝蓮華。  
 從海涌出。詣靈鷲山。  
 住在虚空。此諸菩薩。  
 皆是文殊師利。之所化度。  
 具菩薩行。皆共論說。  
 六波羅蜜。  
 本声聞人在虚空中。

説声聞行。今皆修行。  
 大乘空義。文殊師利。  
 謂智積曰。於海教化。  
 其事如此。爾時智積菩薩。  
 以偈讚曰  
 大智徳勇健 化度無量衆  
 今此諸大会 及我皆已見  
 演暢実相義 開闡一乘法  
 広導諸群生 令速成菩提  
 文殊師利言。我於海中。  
 唯常宣説。妙法華經。  
 智積菩薩。問文殊師利言。  
 此經甚深微妙。  
 諸經中宝。世所希有。  
 頗有衆生。勤加精進。  
 修行此經。速得仏不。

もんじゅーしーりーごん  
文殊師利言。有。

しやーかつらーりゆうおう  
娑竭羅竜王女。

にょーねんしーはつさい  
年始八歳。智慧利根。

ぜんちーしゆーじやう  
善知衆生。諸根行業。

とくだらにー  
得陀羅尼。諸仏所説。

じんじんひーぞう  
甚深秘蔵。悉能受持。

じんにゆうぜんじやう  
深入禅定。了達諸法。

おーせつなつきやう  
於刹那頃。発菩提心。

とくふーたいてん  
得不退転。弁才無礙。

じーねんしゆーじやう  
慈念衆生。猶如赤子。

くーどくぐーそく  
功德具足。心念口演。

みーみやうこうだい  
微妙広大。慈悲仁讓。

しーいーわーげー  
志意和雅。能至菩提。

ちーしやくぼーざつごん  
智積菩薩言。

がーけんしやーかーにょーらい  
我見釈迦如来。

おーむりようこう  
於無量劫。難行苦行。

しやつくーるいとく  
積功累徳。

ぐーぼーざつどうみーぞうしーそく  
求菩薩道未曾止息。

かんさんぜんだいでんせーかい  
觀三千大千世界。

ないしーむーうー  
乃至無有。如芥子許。

ひーぜーぼーざつ  
非是菩薩。捨身命処。

いーしゆーじやうこー  
為衆生故。然後乃得。

じやうぼーだいでう  
成菩提道。不信此女。

おーしゆーゆーきやう  
於須臾頃。便成正覺。

ごんろんみーこつ  
言論未訖。時竜王女。

こつげんおーぜん  
忽現於前。頭面礼敬。

きやくじゆういちめん  
却住一面。以偈讚曰

じんだつざいふくそう  
深達罪福相。徧照於十方

みーみやうじやうほつしん  
微妙淨法身。具相三十二

いーはちじつしゆーごう  
以八十種好。用莊嚴法身

てんにんしよーたいごう  
天人所戴仰。竜神咸恭敬

いっさいしゆーじやうるい  
一切衆生類。無不宗奉者

うーもんじやうぼーだい  
又聞成菩提。唯仏当証知

がーせんだいでんせーきやう  
我聞大乘教。度脱苦衆生

にーじーしやりほつ  
爾時舍利弗。語竜女言。

にょーいーふーくー  
汝謂不久。得無上道。

ぜーじーなんしん  
是事難信。所以者何。

にょーしんくーえー  
女身垢穢。非是法器。

うんがーのうとく  
云何能得。無上菩提。

ぶつどうけんこう  
仏道懸曠。逕無量劫。

ごんくーしやくぎやう  
勤苦積行。具修諸度。

ねんごーないじやう  
然後乃成。又女人身。

ゆううーごーしやう  
猶有五障。一者不得。

さーぼんでんのう  
作梵天王。二者帝釈。

さんじやーまーおう  
三者魔王。

しーしやーてんりんじやうおう  
四者轉輪聖王。

ごーしやーぶつしん  
五者仏身。云何女身。

そくとくじやうぶつ  
速得成仏。爾時竜女。

有一宝珠。

価直三千大千世界。

持以上仏。 仏即受之。

竜女謂智積菩薩。

尊者舍利弗言。 我献宝珠。

世尊納受。 是事疾不。

答言甚疾。 女言。

以汝神力。 觀我成仏。

復速於此。 當時衆会。

皆見竜女。 忽然之間。

變成男子。 具菩薩行。

即往南方。 無垢世界。

坐宝蓮華。 成等正覚。

三十二相。 八十種好。

普為十方。 一切衆生。

演説妙法。

爾時娑婆世界。 菩薩声聞。

天竜八部。 人与非人。

皆遙見彼。 竜女成仏。

普為時会。 人天説法。

心大歡喜。 悉遙敬礼。

無量衆生。 聞法解悟。

得不退転。 無量衆生。

得受道記。 無垢世界。

六反震動。 娑婆世界。

三千衆生。 住不退地。

三千衆生。 発菩提心。

而得受記。 智積菩薩。

及舍利弗。 一切衆会。

默然信受。